

四庫全書

史部

欽定四庫全書

貴州通志卷二十九

人物

忠烈

貴陽府

明

徐資

貴州衛戍籍正統時巡按御史黃鎬聞資有才畧辟置左右隨鎬巡邊至羊腸河猝

與賊遇資奮挺直前厲聲叱賊曰螻蟻餘孽敢害朝廷憲臣耶我分死之明年此際當殲爾羣醜遂

遇害踰年賊果平鄉人名其墓
為忠節岡子節官副都御史

李毓陽

貴陽人征水西
遇害祀忠烈祠

周思稷

貴陽人萬曆乙酉舉人任新會令致政歸
天啟初安逆圍城困守經年以食盡自縊

同時效忠而死者鄉官李國棟孫枝衍
楊之寧胡仰極不能悉紀附記於此

劉瑄

貴陽人萬曆丙午舉人崇禎間任南京戶
部主事謝政家居以剛直不諧於俗丁亥

流寇入黔與鄉官吳子騏楊元灝李公門李世
甲王孫齊胡修超蔡紹周等同時被執不屈死

吳子騏

字九達貴陽人矜尚氣節喜為人排難解
紛萬曆壬子舉於鄉筮仕興寧以才幹聞

會安賊叛母劉氏墮圍城中騏聞變倉皇棄官歸
崇禎十年夷目阿烏謎復叛陷大方城遂守將稱

兵內向人心洶洶總督朱燮元屬騏往詣六廣走書召諸目諭以禍福賊果悅服遣目把白舍等就撫事平督按上其事奉旨獎賞丁亥流賊入黔騏與楊元瀛等之威清率土兵扼賊於滴澄橋敗之賊悉衆攻擊被執不屈死

顧人龍

定番州人流賊孫可望攻州城人龍率土民與之相持殺賊甚衆力竭城陷與妻李

氏對縊子諸生大元抱父母屍哭不去賊並殺之同時殉難者鄉官尹思民賦詩壁間投筆引繩死黎維垣城上督戰死胡允中冠帶坐庭中叱賊受刃死土官龍在田土舍龍起潛龍飛血戰死貢士饒謨大呼率諸生王道中顧從龍黃文芳李一龍夏朝卿李二龍毛一練尹湯傳尹湯卿熊化楊東明唐璉賈翰張新建王仰王基昌土官程民悅常帝臣土舍韋之福把總許華宇巷戰死舉人毛琛

投井死教授艾養中諸生周卜年尹湯賓熊鍾隨鄉約杜凡六赴火死諸生謝賜璠黎應陽江山秀潘達黎應辰投泮池死武舉蒙九錫為賊將父能奇逼降不屈中箭死按察司司獄陳玉環自經死

馬士升

郡人御史文卿子性癖潔喜讀書幼為諸生旋棄去屏跡山寺一榻蕭然意泊如也

日以篇什自娛不與俗人交後寇亂被執憤罵而死

金鎮貴

開州人原籍江南會水西苗叛輸資助軍需有功歷官總兵致仕崇禎十六年种苗

圍開州鎮貴與知州黃嘉雋協力守城城陷遂遇害

李科

開州人官副總兵崇禎十六年流寇亂科率兵次茶山渡與賊戰歿於陣

安順府

明

黃運寧

平壩貢生天啓壬戌安邦彥圍省城撫按以蠟書召援運寧傾產募衆援省至太子

橋衝突賊營戰死
事聞贈光祿寺丞

黃運遠

平壩人慷慨有勇天啓三年領兵隨王三善進勦大方戰死祀忠烈

劉安鼎

平壩人天啓壬戌安逆圍貴陽分兵攻劫上游衆皆逃避鼎獨毅然大呼曰生為天朝人死為天朝鬼肯披種推髻以屈膝於逆保乎遂閉戶登樓舉火自焚死

譚先哲

平壩人舉萬厯壬子鄉試歷官戶部郎解組歸閉門養高流寇犯黔舉家殉難

石聲和

平壩人中天啓丁卯鄉試歷官叅政平生以忠信自許流寇入黔舉家死之

蔣勸善

字小范，咸清人。蚤慧，稱奇童。弱冠登萬曆乙卯鄉魁，主司鍾惺於諸生中，尤加賞異。

屢上春官，不第。授孟津令，清苦自持，一介不苟。津民道賦萬餘金，積欠已久，勸善力請蠲之。民困稍蘇，遷河間郡丞。以不善逢迎，與當道左遂拂衣歸。臥林下者二十餘年，日討論篇什，力追大雅。著有秦遊草、我石齋諸集。明末流寇入黔，被執不屈，遂遇害。

平越府

明

李藻

平越府人。正德丁卯舉人，任江油教諭。鄢藍賊變，調委督餉，守高城，親身決戰，亡於

陣城賴以全

馮世寵

涇潭人博學性嚴介隱居不仕明亡不食死

國朝

黃進忠

平伐營外委把總雍正十三年逆苗背叛進忠途次城中目擊危急狀官民公留貼

防毅然協守奮勇戰歿事

聞給卹銀七十兩賜葬祭並祀忠義祠

都勻府

明

陸從龍

都勻人萬厯戊子鄉舉任湖廣新化知縣致仕歸值安邦彥叛圍省城從龍罄資募

兵督征陣亡事聞贈光祿寺卿廕一子入監從祀王三善忠烈祠

楊鳴高

都勻人任浙江湯溪令安賊叛募兵援省至谷龍司敗績死之

楊廷烈

鳴高次子年十八娶吳氏生子甫一歲聞父陣亡棄家募兵援省誓報父讐屢立奇

功加叅將轉戰至鴨池河死之

國朝

邵煥麟

山陰人任典史雍正十三年四月逆苗攻陷凱里肆行焚劫時煥麟在城奮前殺賊

手斃數人賊怒環擊之戕其身為數段其死最慘事聞贈主簿賜葬祭祀忠義祠

鎮遠府

明

楊瑄

上通判貌魁梧有膽畧成化三年征茅坪賊亂同叅將吳經進勦至江口卒遇賊力

戰死

楊昌祚

鎮遠廩生龔土推官安酋叛代父領兵援省至甕城河遇伏死

思南府

明

李盤

思南副長官宣德間鎮筭苗叛命大將討之賊匿山中久不出人皆疑怯盤毅然率

孤軍深入遇賊數百盤策馬奮擊斬數十餘級賊四集援兵不至遂被執盤素勇敢賊畏而恐之及執賊曰而銅仁李耶思南李耶賊舊為銅仁轄銅仁李善撫之故云從卒曰銅仁賊欲釋之盤厲聲

曰予思南李何必給之從弟邦政告急於德江長
官楊潮海潮海至盤已遇害邦政以石置樹間記
之久而樹合生夾石夷人夜過樹下聞空中有點
兵聲以為神立祠樹前號為雷石坡御史申祐盤
姪甥也為忘年交每論及時事盤大聲曰身蹈白
刃之鋒鉅血潤原上之野草然後不愧含生取義
之道申曰大丈夫當如此卒之申亦
死義於土木人咸曰盤祐素志云

田景猷

思南人天啟壬戌進士值安賊亂上疏曰
請招撫水西授以樞部主政深入賊巢為

賊所執幾二載巡撫王三善兵至大方脫身出謁
備陳賊中情形後師敗遇害事聞贈太僕寺卿廕
一子
入監

石阡府

明

安民志

龍泉司長官龍泉與播隣無城民志與播賊將朱擎善以好言結之應龍信之不入

寇已而播氛日熾民志入省請兵五百捐資築堡牆自衛應龍惡之自率賊寇龍泉民志衆寡不敵死之播平改龍泉為縣巡撫郭子章請於朝以民志子世襲土縣丞以旌其忠其祖職仍世為土主簿

思州府

國朝

譚德溥

龍里人歲貢任訓導雍正十三年五月逆苗入城德溥衣冠自若為賊所害事聞

贈國子監學錄賜
葬祭祀忠義祠

大定府

明

羅仕儒

赤水人萬厯辛卯舉人官學正致仕歸值水西變自縊死以火焚室

謝名臣

赤水人萬厯丙午舉人官知縣丁父憂歸適水西變城陷舉火焚其室自縊死

張夔升

赤水衛指揮張大壯子城陷督銳士巷戰短兵相接身被數鎗乃脫身入城隍廟指

神而言曰神不助使予死當以頸血濺之乃自殺擲其頭於神座前賊大駭而去

王碩輔

赤水人字斗瞻自幼定省不懈人稱其孝萬厯丙午舉於鄉天啟初任四川南溪知

縣時奢寅叛碩輔募兵戰守有汪舉人者與賊通
伺碩輔出戰舉火內應城陷碩輔整衣冠北面稽
首曰臣力竭矣自縊而死事聞
贈光祿寺少卿廕子錦衣千戶

遵義府

明

周鎮

郡人立功任遵化叅將崇禎時戰
死於邊闔家殉難事聞封墓贈祭

孝義

貴陽府

明

易楚誠

郡人父病楚誠泣天致禱已而果愈又嘗病瘍醫欲得兔髓和藥楚誠求之野有羣

鷹攫一兔擲於地持歸付醫有司欲上其事固辭曰此非吾誠所致偶相遇耳不願以是得名

陳晟

前衛人敦禮尚義正統間蠻寇公廩不繼晟輸粟助之授七品散官景泰間又輸

金以助軍事
聞賜勅獎之

汪勝宗

郡人早孤家貧事母至孝母卒負土成墳廬於墓側晝夜哀號不已

朱璫

郡人好學能書早喪母事父以孝聞父嘗疾劇璫禱於神願以身代及卒刻木為像

事之
如生

段達

郡人父病孿達侍起居不刻離夜寢榻下聞營款轉側即起扶掖日則負出外庭具

飲食邀鄉隣相與談笑為歡如是者三十餘年父病卒哀毀踰禮時人稱之

陸

緒

郡人事親至孝親卒廬於墓側守禮盡哀

馬

端

郡人事母至孝母疾思鯉為膾端遍覓不得忽一老翁持雙鯉到門來售端入室取

值酬之比出翁遂不見人以為孝感所致時有征苗之役端輸粟數百石以給軍奉敕旌異

周

昇

郡人父為耆老奉遣往夷落解爭地事中瘴癘垂絕昇甫弱冠亟往視之割股為羹

以進乃甦夷人見之皆感歎遂罷爭

王

軾

郡人友愛其弟軾同室七十年始終無間舉族化之

劉繼宗

郡人早孤事母至孝母卒設主以事如在生禮終身不衰

陳純

郡人事嫡母孝母病足艱於行純旦夕出入背負備極勞瘁母卒將葬值久雨純仰

天號泣忽晴葬畢復雨人以為孝感

湯良弼

貴陽人貢生萬歷間任栢鄉郴州清平儒學擢廬陵令賢聲屢著以母老乞養歸每

問省必冠帶進見下氣怡色旁觀為之感動又能敦睦族姓周急鄉隣多隱德云

汪瀾

宣慰司人天順己卯鄉舉任嘉定州知州事繼母孝處異弟友族人流落夷方者冒

險收之且為之立業畧無吝色

楊禮

字希祥宣慰司人弘治戊午舉人性至孝母曹嬰心疾每一發輒顛狂如不欲生禮

號泣隨之飲食依曹為進止露禱於神願以身代母卒哀毀骨立杖而後起三年如一日舉於鄉以

父老不忍離左右孝養十餘年父卒始任新寧縣
值流賊破殘之餘多方招撫安集士民懷德解組
日無以為行李年八十餘卒子文炳照磨文煥知
縣孫其寧以寧俱通判之寧同知曾孫世華舉人
人以為誠
孝之報云

黃瑾

新貴人與弟瑜共處相
敬如賓至老無私蓄

守棺孝子

新貴人不知姓名天啟壬戌安賊叛將
圍省城城外居民爭入城以避孝子居

郭外獨守其母棺不去賊至城
下義之不加害後餓死於側

李彬

貴筑人性慈煦好急人難嘗謂濟人之術
莫善於醫遂精之時郡中大疫彬曰煮藥

數斛令子弟分攜赴
閭陌療之全活者衆

龍見

廣順人弟龍起溺於河見赴水救之起得免而見竟溺育司以其事聞

謝體仁

開州人有經濟才萬厯三十三年水銀山苗叛總兵陳璘監軍叅政洪澄源率師討

之辟體仁為叅軍誘執叛苗賊首餘黨悉平三十五年賊黨仇殺體仁屠其家被難者五十三人

汪澤民

開州人素有志畧崇禎十六年苗狎王阿辛等謀劫城澤民聞變密白知州黃嘉雋

賊知事泄遣賊黨七人夜抵澤民寢所刃其腹將死命其妻以紙筆納腹中曰死當書賊罪狀訴於神死踰旬七賊各遇澤民追逐墮峻坡肌肉盡裂而死

張琪

龍里人嘉靖辛酉舉人官河南衛輝府司李有廉能聲聞丁母艱歸廬墓三年居鄉

教訓生徒人材蔚起子文衡文錦並登萬厯庚子賢書

姚璋

新添人性至孝讀書學古以子貴封副使益自謙抑鄉人稱之

後廷科

新添站軍不知書事母閭氏極孝母病跪禱城隍祠自募遠旦及母死居喪三年不

入私室既葬廬墓三月萬厯間巡撫楊宏科題旌其門曰庶人之孝

國朝

周家正

郡人性孝友年十二種圃養親居喪哀毀幾於滅性兩兄斷手失明悲賴以養兼撫

諸姪如子友愛著聞巡撫衛既齊獎之

黃維章

開州人性孝母疾割股以療因得痊州守上其事巡撫旌之

何兆柳

開州人字星如崇禎庚午舉人城西賊化沙杓圍副將方國安於大方城總督朱變

元委兆柳救援兆柳捐資助餉救國安出重圍斬
化沙杓流賊至黔兆柳招集義勇捍禦鄉里為孫
可望所殺籍其家子東鳳鳴鳳並死之幼子
人鳳白其冤於經畧洪承疇奏聞給還家產

墻焯

開州人康熙辛酉武舉事父曲盡孝道父
歿事繼母愈加謹三十年如一日宗族鄉

黨無
間言

汪啟德

貴定民汪逢霖子年十歲有至性霖病篤
藥不效刲股以進霖竟歿啟德哀毀如成

人巡撫衛既齊憐
其誠摯優賞之

朱重義

貴定人廩生事庶母如父在撫幼
弟不踰初心巡撫于準給匾旌獎

張覲北

修文人性至孝居母喪哀毀
骨立後中康熙辛酉鄉試

安順府

明

梅雪

郡人事親純孝姪惟和疏請立純孝坊

蔣文蔚

府庠生幼值親病嘗割股萬厯間旌異

倪勲

善定人弟然烈羔熊五人同爨永不分居勤儉營生竭力事母具妻各守夫訓孝友

著聞御史
陳鑑旌之

張大猷

善定人天啟間安賊叛死義

牟嘉染

與大猷同死於義郡紳安上達為之合傳

徐國俊

安平人家貧極孝雖菽水必怡顏致敬親病欲絕夜禱割股以進親病遂愈院道旌

其門曰榮
膺天寵

譚泮

平壩人明經處已孤介接物無欺輸田以建學捐資以助餉力行義舉教二子皆登

書賢

王瑚

落架兵目安賊叛圍城食盡人心惶惑瑚運糧濟衆賴以生全

曹一鵬

威清庠生事二親定省不違禮母沒哀幾絕繼母疾湯藥必親嘗撫按旌其孝

平越府

明

彭文

郡人通州學訓導性至孝
母亡廬墓三年具聞旌獎

楊時椿

郡人歲貢任大足縣訓導在任思母棄
官歸養母疾侍藥衣不解帶人稱純孝

李時用

郡人七歲失怙母撫成立為郡庠生應貢
不忍違離棄貢養母母卒哀毀欲絕以孝

表聞旌

周與慶

郡人舉人父歿甫歲餘母葉撫養成立訓
徒供母及厯任奉母偕往母疾躬侍湯藥

至廢寢食尋棄官
歸養孺慕終身

張顯仁

郡人庠生母戴氏病顯仁密禱於神請以
身代刲股和藥以進母病立愈有司上其

旌事奉

王志雄

郡人生平以賑濟貧乏為事凡稱
貧不能償輒焚其券鄉人異之

趙

鉉

郡人祖仲元病父應壁任金陵鉉延醫侍
藥晨昏無倦祖病篤鉉復割股以進乃痊

事聞
旌表

徐思卿

郡人事父母
至孝奉旌

徐勝

郡人立身理家俱有典則五
世同居弘治間賜羊酒獎勵

李學書

郡人初任綦江縣訓導尋解組歸閉戶著
書居家孝友值時疫盛行施藥拯救全活

者
衆

樊為霖

郡人孝友謙謹里人化
之以子思孔貴封叅議

奚國采

郡人品行真淳
孝親最篤奉旌

葛鏡

平越衛指揮樂善好義郡城東五里兩山
陡峻中亘麻哈江江深不可測行人過渡

每遭覆溺萬歷間鏡捐千金建橋後為水所圯天
啟六年鏡復傾家產重建者再亘若長虹堅緻牢
實至今行人利
賴名曰葛鏡橋

丘本厚

平越府人隆慶間安莊貢生鍾士奇赴京
宿本厚店遺金三十兩本厚追士奇還之

後士奇還清平學訓導請於
有司匾其門曰義士還金

張鵬

黃平人父梅疾危鵬年十
歲刲股愈之事聞旌獎

彭必達

黃平人事祖永年
極孝鄉黨稱之

朱芳

興隆人初聘趙晟女尋以痘傷目及納幣欲娶女家辭之芳曰吾不娶若將安歸竟

娶之子職當貢陪
貢衰老遂讓之

李俊

黃平州人事孀母彭氏至孝正德間題旌

張也恭

黃平州人母王氏早卒事繼母楊氏竭力承歡曲盡孝養楊夙有氣疾每發恭侍湯

藥日夜不懈事楊四十餘年如一日恭卒楊疾發嘆曰無長子治藥必不起矣遂歿

李際時

興隆衛千戶幼失恃事父與庶母極孝父感於庶母之譖日鞭笞之且逐於外際時

自怨自艾父悟
召還孝敬有加

劉宗臣

甌安人事父選繼母趙氏備盡孝道天啟間水西兵變破甌安城邑人盡逃宗臣祖

母冷氏年八十病不能行宗臣不忍捨去賊至身被數刃終不離祖母側賊義而釋之崇禎間以事聞特加獎勸勅有司每歲給種六石優恤

宋廷階

甌安人遇歲凶以財物賑貸又不取償人高其義

楊再亨

餘慶人六歲失父事母至孝十四歲播逆作亂再亨負母避山箐採藜蕨以供凡遇

母有疾必籲天求代至刲股嘗糞事聞建坊旌表

唐顯璫

眉潭人萬厯末以邑庠生赴試偏橋道中得遺金一囊畱待之次日二人哭而來云

收軍餉銀百二十兩盡遺之今將赴水死璫啟囊驗其數符遂歸之

王 昆

眉潭里民王良家僮良夫婦相繼死遺子邦雄與女皆幼值賊亂逼境昆負兩孤匿

山箐中身出傭以養之孤賴以生後邦雄
為諸生昆猶拮据給事執僕禮至死不渝

國朝

冷起鳳

郡人母久病起鳳禱神封股母病
遂愈康熙三年督撫給匾旌賞

黎阿案黎阿閭

苗民兄弟割股救父
巡撫于準給匾旌獎

戎祚長

甌安人家貧為人傭工所得悉奉父母父
志加責怡願順受及議婚力讓弟先後五

年乃娶學使沈
翼機給匾旌獎

都勻府

明

徐惟

郡人素性篤孝偶所居火惟一切不顧獨抱木主冒火而出以孝行奉旨旌表

吳裕

郡人號松菴少遊郡庠慕古之為肥遯者不仕以長厚醇謹聞鄉人宋晉以事貸富

人白金二百兩偶遺道上為裕所拾大書於門晉至還金晉以其丰謝堅辭弗受又湖廣指揮奉調來勻寓裕所事竣反楚榻下遺金一囊可百餘兩裕藏以待明日果至亦檢還之郡人稱為還金公近城水漲屍骨暴野裕募工掩埋後置舟以濟卒年八十有二

屠總

郡人好學尚禮幼娶徐氏生子方一歲妻卒總不再娶年八十一終弘治間副使金

子淑
旌之

楊愚

郡人性仁厚樂為善事歲施藥以濟里人人皆德之

司朝相

沈雲翰

沈應麟

雲翰子

周系遠

俱郡人咸

以孝義推
重見黔記

李源

清平人性至孝父病源嘗糞甘苦以占吉凶父愈人以為孝感官至都指揮僉事

金章

清平人少孤善事母母病氣絕逾日章呼號籲天請以身代母復甦

呂大綜

清平人性純篤父病危急藥必親嘗衣不解帶夜必焚香祝天服食溺器咸以身親

之萬歷二十二年
提學沈思克獎之

孫枝榮

字爽葉清平人天啟初聞父英死安酋之難日夜號泣氣絕復甦仍攜一僕往尋父

骸時賊黨充斥枝榮從僻徑夜行晝伏半月乃得入城尋至一官署中見封一大甕上書清平衛弁

孫英骸骨舉人趙邦俊記乃負之歸生平謹厚
端潔言辭不苟家極貧以舌代耕從遊者甚衆

國朝

胡全忠

郡人康熙九年於林狹坡上神廟拾遺金
一包及遺金者反全忠還之其金一十五

兩五錢封
識無異

鎮遠府

明

王儒

鎮遠縣民貧無立錫事親愉悅母劉氏有
疾焚香虔祝嘗冀告醫母疾遂愈院道樊

之

李廷正

號心存鎮遠縣人以舉人為蜀雅州知州
操持清潔尋告終養林下三十年事母純

孝撫院表其門
曰孝節可風

蔡雲祥

鎮遠縣人由歲貢任貴州宣慰司教授以
母老不能同赴遂棄官終養侍母凡三十

載年八十餘乃卒旌
其門曰孺慕維風

鄭之和

鎮遠縣人母高氏病篤和九歲封
股調藥以進母病立愈當道旌之

楊正位

施秉縣人生甫七歲父再翔慕神仙術雲
遊十餘載正位朝夕哀思屢欲尋訪其祖

母疑翔必客死而正位尚未成立不忍使之遠出
唯勸之讀書遊泮後遂齋戒籲天誓必見父遍歷
西南將十年果於泗城州之觀音洞迎回未幾翔
病親侍湯藥夜不解帶者三月卒於家後正位長

子通字中萬歷己酉鄉試為御史
孫友楠官都督人以為孝感云

陳

越

天柱所人九歲喪父事母楊氏至孝母歿廬墓三年嘉靖十五年本所火災延燬殆

盡越所居茅屋獨存
人以為孝感所致

王

偉

天柱人好施不倦親族待以舉火者甚眾歲饑出粟賑濟全活無算有貸金不能償

者輒焚其券

湯克義

天柱人事父母冬溫夏清刲股嘗糞備極孝養萬歷間知縣詳請旌表見湖廣志

蕭 宋

天柱人樂善好施信義孚於遠邇明萬歷間山苗傳良嘗負固梗化時初議設縣吏

目朱梓多方撫諭良嘗必欲得宋為質然後出宋欣然往謂家人曰若得縣成苗順雖死何惜良嘗

見案至始率衆就撫諸苗聞風向化建縣之議始定且捐地以為縣治地方凡有經畫無不踴之

楊文煒

天柱人崇禎間諸生父病割股療之復活數十年邑令旌其門

國朝

李蕃

施秉縣爛橋民一日三虎入市其父逐之虎撲父啣其股父持虎急蕃奮往救之格

殺虎父乃得生縣令上其事巡撫田雯旌之

湯之新

天柱人廩生事親以孝聞父樞在堂值戊子歲苗變破城之新守父樞不去賊殺之

鄉人皆為流涕

李德芳

天柱人幼喪父事母王氏最孝崇禎甲申後流寇與苗賊相繼擾亂德芳奉母避亂

轉徙無常得米少許炊粥供母自採野蔬充腹數
歲始得歸母病臥數月德芳晝夜不離親膝惟裳
母卒喪葬如禮至老孺慕不衰
鄉黨訓其子咸以李孝子為法

思南府

明

劉可揚

郡人母病禱神求以身代親侍湯
藥晝夜不離左右母愈事聞旌表

張 暈

水德司人嘉靖間蜀寇之變暈領
土兵破賊備嘗艱險事平不受賞

陰士膚

府庠生年方弱冠父昊病篤醫不能
療士膚禱於天割股以和藥父尋愈

葉其英

郡人早孤年十三母疾甚英
皇遽無措割股以進母遂愈

張大玉

府庠生性至孝
母病祈神割股

王應甫

郡人嘗割股以療
母疾人以孝稱

曹士銓

府庠生戊子亂奉母避兵大聖登洞中已
而賊攻洞擄銓母子以父曹應舉曾為遂

寧縣謂銓宦家子橫索金備極拷掠無所得欲刀
其母銓大呼曰寧殺我勿傷母賊怒甚竟刀其母
銓以身蔽並殺之兄士望尋
母弟屍顏色如生並葬之

劉達

府庠生事母孝待弟友邑人稱之
無間言有司匾其門曰慈孝一派

申厚

郡庠生事二親最孝父母歿
相繼廬墓各三年鄉人欽之

田景祚

治河司人父病篤祚甫十二歲焚香告天
請減算以延父命復割股救之後三年父

復病祚仍欲剗股父覺阻之曰爾廣陰德教子孫成名即孝矣何事剗股為遇凶歲設粥賑濟有病者扶至家養之孫茂穎曾孫仁淳相繼登賢書人以為報云

安 濂

饑民賴以活勅賜旌獎

陳友儒

嘗堤潰傷禾友儒聚眾謀改堰於上流一切鳩工約數百金悉出已力引水穿城兩壩汪洋民皆食德叅政李渭旌其門曰集義致祥

徐文林

葵川貢生年十二時割股救母事兄恭謹縣令旌其門曰孝友之門

國朝

孫繼康

府庠生天性篤孝年十四母病日侍湯藥不刻離病轉篤康涕泣祝天剗股進之母

愈果

何文龍

郡人康熙三十年二月父疾篤夜祝於神引刀割股父疾果愈有司以聞

劉司直

郡諸生事母誠孝母病剗股以進遂痊

丘崇聖丘崇儒

居江人少孤貧竭力事母兄弟同

勸以至性語人多化之有司給匾旌獎

石阡府

明

楊維翰

郡人隆慶丁卯舉人任通州守親歿廬墓三年鄉里稱其孝

朱嘉賓

龍泉人庠生隆慶間苗賊劫掠縛其父應乾痛加炮烙索取金帛嘉賓奮身直入手

刃一賊解父縛翼之而出衆賊乃嘉賓死題旌

思州府

明

田應秋

郡人嘉靖三十年苗賊攻陷府城擄其父母秋與弟應期泣奔苗穴願以身贖父母

得歸節
奉旌獎

周紹昌

郡廩生家貧性孝割股以療母疾院道旌其門

劉惠

郡庠生父患癰醫家以穢不可施藥惠口吮之及卒哀毀骨立葬後廬於墓側一夕

隣家火將延其舍惠心不為動火
尋滅人皆異之事聞撫按旌之

鄭維正

平溪衛人素喜施與值兵亂收瘞枯骨置
萬人塚見在東山之麓以子逢元貴受誥

封

國朝

邊士斌

清浪衛諸生性純孝甫十歲父患臂毒斌
口吮之晝夜泣禱於神願以身代父病頓

愈越三載父卒值兵亂斌負母逃難走沙江江水
泛漲幾遭覆溺忽有白氣繞身母子已出洪濤登

岸矣人
皆異之

夏

炳

清浪衛廩生年十三喪父值丁亥兵亂舉
家分散炳獨奉病母以居頃刻不離母卒

哀毀骨立葬後廬墓其庶母祝氏及幼弟熾失散已久炳遍覓之至地名落脫始遇迎歸奉養訓弟成名督學屢加旌獎

黎平府

明

徐洪

銅鼓衛人天性純孝居喪三年不入私室哀痛泣血未嘗見齒

劉運昇

五開衛人事繼母盡孝困苦流離承歡不懈值賊臨城負母入山逃避賊追及母曰

汝速逃勿以累汝昇曰母不能前兒將安去賊義而釋之

大定府

明

薛賢

烏撒衛人景泰三年賢與盛福周宣邵瑾張宣鄭暹各出百金義助軍餉賜勅旌獎

復其家

趙啓

烏撒衛指揮使與弟哲友愛甚篤具父年老命啟襲職遷讓與弟鄉人異之

姚之典

烏撒衛庠生父歿於任徒步扶柩歸泛舟漂數里不溺廬墓遇虎不傷人以為孝感

張伯安

赤水人讀書好義以孝友清儉為時所重正統間以子諫貴封御史

馬行健

畢節生員與弟行毅隱居好學不干外事以孝友著聲水西叛城陷弟兄相抱舉宅

自焚死

南籠府

明

盛全

普安戍卒家貧而孝母嘗病齋戒祈禱願以身代又三年母病垂危全乃割腹出肝

封之死而復甦和羹進母母病復愈此弘治己酉事也莆田林廷弼為之歌

邵元吉

普安人天性孝友博通經史應嘉靖庚子鄉試第一場畢聞行路人私語曰重慶邵

郡丞病郡丞者元吉父也元吉疾趨問語所由來行人漫應曰得之傳聞未確元吉心忤忤急入旅舍束裝倍道行同試士勸止之不聽至重慶父已歿哀毀骨立匍匐扶柩歸經播州遇虎同行人令避茅屋中元吉泣下弗忍離父柩虎竟去人以為孝感所致隣家火延其廬元吉左手抱父木主右

手掖母出再入取圖書曰有先人手澤在取之出
火亦旋息後應歲貢入都時仲弟元善謫通州郡
丞元吉就通視弟不語不食時時泣數行下弟問
故曰我思母即欲歸不顧仕也且有我奉母爾始
得安心於仕即棄牒歸母思子致病見之喜病遂
愈元吉以母病故善岐黃弟元善元哲元高先後
登科第悉元吉教之也孫

文恭應鰲為作邵隱君傳

沈濟

普安州庠生志向高明養鄉隣之貧獨
殯朋友之親喪出粟賑貧置田睦族

洪遇

普安州焚人事祖母孀母極孝雖貧寒奔
走衣食而奉養必求飽煖菽麥精者奉母

粗者自給一菜蔬亦必
先進院道俱獎勵之

支美瓊

普安人諸生古貌古心操守嚴肅孝繼母
友愛異母弟無戲言情行遇鄉族輒以道

義勸勉不匿遺金萬歷間
督學凌琯以喻義表其門

國朝

王 瓚

安籠人父早喪家甚貧事嫡母甘旨不缺撫養弟妹善體親心三弟俱入泮有司表

廬其

遵義府

明

楊正東

遵義人萬歷時楊應龍阻兵淫虐正東糾被害者赴京告變適楊應龍贖罪歸仇殺

奏已者正東棄家潛逃僅以身免

劉臣武

遵義人天啟時奮首亂同兵備道
盧安世恢復遵義以功授守備

鄭規

正安州土長官司僕人嘉靖間賊困土司
規語其主珪曰主尚乏嗣若罹於賊鋒如

世系何願以身代遂著珪衣
寇誑賊殺之珪間道逃免

尹知明

正安州人父早喪撫弟知朗知清成立婚
配以自置田業分給之子尚春亦以已產

分姪為之聘
娶時稱義門

李神童

綏陽人生五月能言七歲通經義不由師
授下筆成文性至孝父早喪與母相倚母

病貧不能醫典身於鄉人鄉人憐其誠而助之母
卒不能葬泣血死時年十一鄉人為之營葬邑令

朱由鉞表其墓
立祠以祀之

傅元勳

桐梓人庠生天啟間因奢賊破城慷慨從戎設計破賊上嘉其功授團營副總兵

張顯光

仁懷人母病醫藥罔効晝夜憂思叩禱於神母病尋愈縣令旌其孝

國朝

董子策

郡人康熙癸卯舉人事繼母陳氏至孝教異母弟奇策遊泮母喪哀毀盡禮遭吳逆

叛不受偽職後數年卒

唐一元

郡人年十三侍父疾以孝聞平生撫孤助婚施棺擲賑饑寒出金帛為人贖身義舉

甚多子廉孫義伯相繼登仕籍

楊長春

郡人幼以孝友聞長立軍功授副將明末退隱山林四世同居百口共爨年踰八十

足跡不
履城市

何天章

遵義諸生內江籍避亂遷遵性剛直深明春秋周易事母孝創議建學吳逆之亂偽

將擄男婦三百餘人天章挺身營救偽將感其義悉釋之年七十終

張士僕

字柱石南川縣籍避亂居遵少失怙恃惟兄是依行必隨食必候事必請命兄歿諸

姪皆教養婚娶友愛之誼化及一鄉

王奇爵

郡廩生穎悟能文應歲薦辭歸不就生平善事親奇爵歿後數十年其問安視膳之

節閭里猶稱述之子又旦登癸酉鄉薦

續編

國朝

貴陽府

姜伏乾

貴陽人家貧父病伏乾先意承志竭力供甘旨三十年如一日嘗客遊習安於井畔

拾遺金百兩止於旅店不去次日有黃姓者號泣而過詢其故乃市產償債者伏乾還之其人願分半為謝不受居家孝友兄弟五人皆同居無間言子文在文濱登武科甲文澤拔貢生能世其家

平越府

張兆舉

黃平州人習儒業喜讀書持身以禮事父母左右就養豫順無忤父緡患痺症不能

動履者六七年兆舉躬自負之刻不相離雍正十三年四月苗叛兆舉請避去緡不許及城破舉家

老穉八口同時死難乾隆
四年總督張廣泗題旌

張于昌

懷橘之風家赤貧母嘗臥病不能買藥于

昌入山燒炭以為醫藥資母病尋愈雍正十三年
苗叛父緘時遺疾垂危于昌率家屬二十餘口侍
疾不忍去緘責令搗家避之至以頭觸地于昌乃
令諸弟負其母逃以身守父緘而城破父子俱被
害乾隆四年總督
張廣泗題旌

思南府

廖天培

印江廩生天性篤孝父鳳文病親嘗湯藥
左右床蓐不分晝夜及卒哀毀骨立又值

母病甚危天培泣禱於神願以身代是夜夢神授
以方次日如方治之即愈後母壽至八十四歲而

終天培亦年週花甲哀毀如少時墓務從厚不以家貧有缺友愛幼弟飭躬端謹屢舉優行乾隆四年總督張廣泗題旌

黎平府

朱文縉

開泰縣附生居長春堡兄弟五人文縉最幼乾隆六年粵苗石金元勾結黎屬南江

寨苗作亂二月二十八日圍堡文縉母七十餘臥病在床縉負之逃至丁丁崖賊追及欲殺其母縉拜懇之賊砍其頂心倒地舍其母而去母扶縉起賊回顧知其未死也復來砍其頸深寸許未殊賊退縉逾時而甦母扶之歸敷藥四日而口合十日而愈人以為至孝所感云

貴州通志卷二十九

欽定四庫全書

貴州通志卷三十

人物

宦蹟

貴陽府

明

王

讓貴陽人成化末知洪雅縣為政平恕實心愛民去任時囊無一物署後有手植栢人

呼為王
侯栢

平

銅

宣慰司人成化癸卯舉人弘治間知廣東徐聞縣事性清介而政尚平恕時縣治以

避寇附於海安所軍驚甚民不能堪銅力請遷於原邑正未就而卒子孫因雷家馬祀名宦

張

厚

宣慰司人正德己卯鄉舉任潼川令政多仁愛嘉靖戊子年大荒力請當路得發帑

金全活甚衆明年麥秀五岐以得罪監司去官士民泣送至有釋耒耜爭肩其輿而出境者

韓

立

宣慰司人嘉靖戊子舉人嘉靖中自仁壽縣調洪雅嚴介有法數年積猾屏跡無敢

者
悍
細

王夢說

貴陽人嘉靖丙午舉人嘉靖末任四川彭縣令政尚簡靜嘗曰政在去其所害而興

其所利耳虛譽不必賞也極意民瘼調停賦役百姓頌之

王紹先

貴州衛人嘉靖己酉鄉舉知四川中江縣令刻勵苦節一介不取百姓陰受其福以

不肯何時乞休
去士民思之

胡璋

貴州衛人嘉靖時守備普定苗寇亂璋防禦有方士民不擾視衛篆二十餘年仁愛

忠勇軍士畏懷
官至滇西叅將

龍奮河

貴陽人萬歷乙酉舉人知浙江縉雲縣精明爽朗練達周詳宿蠹頓清案無留牘撫

循遺黎尤
極盡心

楊起瀛

貴陽人萬歷庚子舉人任通海縣令有才力建縣城民得安堵

楊州鴈

貴陽人萬歷間任陝西環縣知縣仁愛節儉歷官九年不貪名利尋陞任致仕歸邑

人深慕之

朱新運

貴州衛人任葉縣訓導崇禎五年大水衛城土賊聚衆作亂新運率鄉勇堅守城賴

以全陞知本縣

王

璽

龍里指揮忠貞剛勇

李鳳朝

貴州人嘉靖戊午由歲貢任江西信豐主簿時三策賊賴清規等屢掠城下鳳朝督

兵出戰屢破賊癸亥二月賊入青柳谷鳳朝攻之賊距山逆戰鳳朝奮力先登為賊所害數日得其

屍顏色不變邑人哀之呼其山為主簿塋兒

汪夢說

貴州人萬曆中任浙江倭居今時議間祭之祝夢說以民貧甚強項不奉法郡守強之不能得

民賴以免
見新江志

國朝

章爾佩

字琳友貴陽人崇禎壬午舉人恂恂謹飭孝友無間言順治十六年任澂江知府時

兵燹後瘡痍未起輸輓頻繁一切行以寬大不事束濕滇民戴若慈母康熙五年擢金滄道副使以裁缺赴補卒於京師

王承祐

貴陽人康熙乙未進士官順天府丞康熙三十年監試禮闈榜發見廣西雲貴無一

中式者因疏言禮闈中卷久偏請將江南安廬滁和等州郡仍歸南卷其中卷額歸川廣雲貴四省較卷數目不必分經就文錄取遂著為令

越

閻

貴陽人康熙癸卯舉人歷任山西解州牧

靜不擾先是民間多宿寇一歲並微聞詳請分年帶徵士民懷之

劉子章

貴筑人字道閣康熙補行辛酉科以第一舉於鄉任鎮遠教授以實行勗士嚴操守

擢裏城令賑荒開渠戢兵弭盜多惠政邑有營卒王荊州強逼嫗婦婦不從被殺前任惕於營弁越四年獄不決于章至立逮訊之其黨蜂擁至署不為動持法益堅又把總孔起揚戲田王才婦婦不從自殺子章奮筆判其罪申請題旌二婦王與孔皆伏誅報最擢御史巡視河東鹽政盡革陋弊裕商便民風紀肅然

安順府

明

趙鳴鳳

善定人正德中知四川奉節縣御下以嚴吏胥不敢舞文尤勤於造士嘗修邑乘文

獻有考

薛大梁

善定衛人嘉靖間為四川什邡令邑相洽苛政弊實百端一切革去清正嚴明流民

聞而復業後陞雲南石屏州牧行李蕭然民歷久思之

邵昱

永寧州人正統丁卯舉人景泰間知晉寧州廉介有為九年秩滿耆民赴京奏留復

任三年遷廣西平樂府知府

趙遠

永寧州人嘉靖庚午舉人任四川叙州府通判署富順篆天性儉約一僕自隨節省

財力鼓舞人士邑
人為立遺愛碑

聞道立

永寧州人隆慶庚午舉人萬歷間知洪雅縣英爽敏練修飭學宮吏畏民服擢戶部

主事

李忠臣

永寧州人萬歷乙酉舉人任雲南順寧知府立政寬大節儉持身而樂施與與前守

余懋學
中立余李二公祠祀之
婉美余亦縣人郡

楊應霑

威清衛人萬歷丙子舉人知成都縣慈和敏決不激不隨成都令之入覲者自應霑

始陞南部主事
歷雲南參政

國朝

梅建

晉定人康熙辛酉舉人知山西高平縣性廉介精於吏治發奸摘伏不爽創宗程書

院集雋異授以文義又立義學延師教貧人子弟後解組高平人建祠祀之

平越府

明

張信

臨淮人父興為永寧指揮僉事嗣官以征紫江草塘功遷都指揮僉事遂為平越人

常與張三丰遊因授以葬父地建文初大臣薦信有謀勇調北平都司受密勅令與謝貴張昂往察文皇信懼不知所為母問之以實告母大驚曰不可汝父每言王氣在燕汝無妄舉比至北平三造燕邸文皇辭不見乃乘嬖人與求見文皇召入時文皇詐稱風病不能言信再三頓首稱臣文皇乃

與信密謀遂定計起兵以信從屢見戰功陞都督僉事封隆平侯與世券文皇每呼信為恩張

解立敬

字誠齋興隆衛人萬厯乙卯舉人崇禎十一年厯任廣州海防同知性寬厚和簡而

天姿英敏剖決如神每獄畢即擗管成爰書徐取律例朗誦一遍無不服其神明間有未喻者復曲為引譬務使兩造曉然乃已時通判推官尚番縣官並缺上官檄立敬攝之身給四符案無畱隙會丁內艱去服闋補惠州同知遷本省副使後擢會都御史巡撫江西粵民思之舉祀名宦按解立敬舊志載鄉賢傳甚畧今用廣東名宦傳移入

王宗周

興隆人字公旦崇禎拔貢初任直隸保定府倅改江西金谿知縣廉明仁恕綜理有

方時軍興旁午內保民命外籌兵餉耕市不驚士民德之

葉應甲

甕安人號元胎令鍾祥清慎愛民致仕歸樂善好施鄉人稱之

都勻府

明

王

漳

清平衛人正德間以貢授清苑令有惠政時劉瑾奉使至漳不折節遂棄官歸

孫

袁

清平人字益之嘉靖丁未進士選庶吉士轉御史巡視南城以風裁自持中貴等悉

受約束請託不行奉命清戎兩粵彈墨吏懲猾胥嘗疏列貴陽敝政如議永寧赴試之字號清平馬政之苦累糧儲定限之催徵皆切中情實又疏初雲撫鮑某貪黷狀視職鮑素交通權貴既斥造飛語中傷謫袁定州州判旋擢汝寧司李時伊藩坐違祖訓聽勘袁一一辯復之厯陞湖廣蘄黃江防

食事薪黃為水陸盜數哀至嚴訓練繕城池造戰艦一日而縛盜數十凡守令勤惰廉汙分別勸懲境內大治會鮑再起哀復為飛語所陷回籍

王

墀

字允敬清平人授羅山教諭甫九月擢廣通令才思敏捷剖決如流縣故有土主簿

段姓者素黷法上官加以約束則用巫蠱術咒詛之墀廉得實發其巫蠱物械段送府寘之於法聲譽大起適縣庫被盜謫河南藩司理問父艱起復補闕藩尋擢鶴慶府判先是麓川之役多虛冒陞賞直指屬墀往勘盡得其實尋以疾乞歸墀性嚴急不能容人過然操履清約囊無餘資先世所遺產悉以讓弟姪有古人風

孫世正

字興甫清平人自幼篤志立學萬厯癸酉舉於鄉丁丑成進士授桂平縣令時猛獠

嘯聚為亂世正至即單車撫諭之擒其渠魁餘黨
悉平行取南工科給事中萬厯初閩寺多不法世
正悉數其罪詞甚激切政府報書曰自巨璫馮保
擅權內外章奏不敢一字及中官者十有餘年大
疏入心甚憂之昨得旨使人釋然云會上取翠屏
甚急屏料及雕鏤甚細出室見風多碎難成督厥
內臣嚴刑催逼斃甚楚者多上疏極諫得旨報罷
出為韶州知府居六月丁父艱歸哀毀骨立服闋
補順慶府府舊有官店太守徵其租悉捐之以店
舍為社學以餘租給貧士陞雲南副使備兵瀾滄
紆道歸里省母相聚月餘無何母卒哀痛過甚
尋亦卒入仕籍近二十年囊橐蕭然家徒四壁
汪良清平人萬厯丁酉舉人任陝西環縣教諭
德性溫厚氣度安和每與人言忠孝大義
妮妮不倦一時文風丕變

王

鏌

清平人萬厯丁酉舉人任雲南臨安府知府平訟獄練鄉兵郡人德之

顧

閔

清平人萬厯間任楚雄縣年尚少性術慈厚見刑非具辜者惻然哀憐之實畝清賦

平徭恤博學
遷趙州知州

國朝

丘應宸

都勻甲子舉人官栢鄉知縣性孝友居官廉潔弭盜安民興學校置義田士民德之

鎮遠府

明

梁

棟

鎮遠人隆慶丁卯舉人知雲南亦佐縣有循良績後離任民攀轅留之

韓應良

施秉人號正寰萬厯癸卯舉人性慈祥耿介任廣西岑溪令謁臺使者問曰與某有

親乎意將庇之應曰無使者默然在任三年不杖一人不受一錢以伉直忤大吏掛冠歸

李維珩

施秉人萬厯戊午舉人通經學善書法令洧川中年以循卓著聲遷磁州保境息民

寇不能擾陞戶部轉四川副使

陶洪謨

施秉人多智畧明季安邦彥叛上書巡撫王三善署為守備從征三善敗沒洪謨軍

獨全屢征諸洞蠻陞貴陽總兵

國朝

陳珣

號特菴施秉人康熙甲戌進士歷知冠縣容天河四縣皆稱廉明轉禮曹擢御史歷

陞大理寺卿持法平允著有百尺樓家稿五經文集

思南府

明

周憲章

思南人萬厯間知雲龍州平段進忠之亂消林養中之變建城立治創廟設學招撫

流離清田畝定里甲裁冗課經畫盡善後遷四川保寧府同知累建軍功息訟寬徭廉介自守人呼周青天尤精彤家言遷學宮科第自茲日盛崇祀名宦

田興吳

思南人萬厯二十五年由選貢任湖廣衡陽縣丞居官廉靜惟一子一僕相隨督運

不受常例舟至嘉魚遇風他舟多溺興吳舟獨安人謂清節之報奉檄勘災自攜具以往俸則蔭樹

下不入民舍卒之日止一畝筭不滿一金同官為置棺具請於當路賻視以歸

任賓臣

印江人崇禎庚午舉人官遂州府同知在任清白平易敦崇學校值獻賊圍城遂與

郝官呂大器招集義勇身先士卒力守城池賊遁邑民賴以保全

國朝

張繼曾

安化人明天啟丁卯舉人順治五年授戶部主政遷廣西梧州知府練達有為冰蘖

自矢減徭省役修學課士三載卒於官僕從僅有二人囊橐蕭然無長物

黃世發

印江人字如射事繼母以孝聞康熙丙子舉人任直隸肅寧縣知縣惠愛在民輿情

感念擢營田觀察使勸導農功殫心盡職雍正八年以疾卒於官具任肅寧時有未完款項銀兩

特諭豁免令地方大吏資助路費使其子扶柩歸

石阡府

明

彭允年

石阡人字鶴廷天啟甲子舉人知廣東新

安縣節儉寬厚與民休息輕徭役蠲餼贖

恤行戶去日行李蕭然邑人思之

簡國寧

邵人崇禎間知吳堡縣時值兵荒乃請輕徭役多方生聚布衣蔬食囊無遺金

思州府

明

周懋仁

思州人太湖知縣蒞政七年撫字有聲陞海州知州丁艱回里肅然自守以清白稱

鄭國賓

平溪衛人舉人隆慶間任雷州府推官姿性敏捷兼攝府篆事無巨細迎刃而解疑

獄一鞠輒白每按行他部却常例飭吏胥以嚴明著增設沿海墩臺海警有備民賴以安

劉尚德

玉屏人萬厯戊子榜首歷任雲南臨安府同知廉潔惠愛有滇南清官第一之名

龔漢臣

平溪衛人萬厯甲午舉人知廣東瓊山縣時邑當採珠征黎後財力耗敝漢臣一切

省節每從寬厚未幾以艱去士民咸思之

朱祚盛

清浪人萬厯戊午舉人任江南安慶府推官陞授思石銅仁勦撫道安慶士民有政

協天人評高月旦之頌

國朝

夏

熾

清浪人歲貢康熙八年廷試候補值滇逆不受偽職至二十一年任思南府婺川縣

訓導後以清浪歸楚改補德安府應山縣訓導勤慎守職課督不倦在任卒應山人士思慕不置

黎平府

明

王

鎡

銅鼓衛人永樂間任巴陵知縣居官勤慎守正不阿

儲

維

銅鼓衛人選貢萬曆時任四川隆昌知縣居官九載清慎如一日歸之日宦篋蕭條

百姓
金助歸醪

國朝

張應詔

字采臣開泰人康熙辛酉舉人為直隸肅寧令清廉愛民任事勤敏陞泰州牧轉部

曹出守廣東潮州府時都察院趙中喬以才守兼優保薦之特授兩淮巡鹽御史任事三年潔已奉公以鴻臚寺少卿告歸卒

大定府

明

吳習

赤水衛監生嘉靖間知廣通縣仁恕公廉不畏強禦不濫科徵凡公署橋梁靡不修

葺邑人感之
陞順州知州

盧安世

赤水衛人字環水萬歷壬子舉人天啟中任巴縣學博奢賊掠城邑令死之安世鼓

集義勇誘賊渠孟竇山入城斬首持示賊驚潰掩殺無算後以監軍平賊有功陞兵備叅議

盧朝棟

赤水人萬歷間任四川江津縣教諭剛方正直不避權貴勤於考課邵寒士餽遺諸

生有貧不能婚者捐俸助之有冤不能達者力為白之東論推服

國朝

蓋世祿

字民標畢節人歷仕至雲南屯田水利道副使所至有能聲康熙十年見吳逆潛蓄

異志即謝病歸隱終身不履城市

洪亮采

字揆菴畢節人平遠州籍康熙丙子舉人官江南青浦令有惠政以父憂解任索無

餘貲浦人釀金贈不受揭書數千卷以歸居鄉杜門却掃日課子弟植學子楷中雍正壬子亞元

南籠府

明

邵元哲

普安人嘉靖乙丑進士萬厯間知淮安府城東澗河通射陽湖入海為輸灌咽喉久

淤白於上司立疏濬之增築城西長堤堵黃河下流之決建閘壩以通漕艘士民立像祀之

孫思述

普安州人萬厯丙子舉鄉試第一知四川新繁縣慈祥莊雅無峻辭遽色吏民畏愛

之嘗計擒大盜屢決疑獄兩稅不違嚴限民自樂輸尋陞大理府同知

郁德據

普安州人萬厯壬午舉人知浙江龍游縣揭發奸猾智在鉤距砭筒之上而出之寬

仁轉判東昌府士民泣番遂以別駕仍攝縣符十載龍丘風和日暖前令南昌余杰鄒陽唐興俱有

賢聲人以據婉美馬

邵以仁普安州人字子任萬歷間任雲南兵備副使寬簡持大體一時幾於刑措永昌立祠

之祀

國朝

沈

弼

字長垣普安州人由拔貢歷任部曹康熙三十八年出守廣東高州時屢經兵火地

瘠民貧弼加意拊循治尚安靜不求名譽以誠率屬和協文武禁副倖擅受訟牒除地方供應陋規添防汛以靖盜源設行埤以便行旅權化州蒙清虛糧廵通戶減糧額恤徭民實政噴噴人口以勞

瘁卒士民哀
之請祀名宦

遵義府

明

傅元和 桐梓人萬曆甲子拔貢授廣西桂平令教
士愛民振興學校賦役均平邑人祠祀歷

任雲南按察使司

傅爾才 桐梓人由歲貢任湖廣會同
令多惠政邑人號曰慈母

國朝

李先立 字卓菴遵義人康熙甲戌進士蒞仕新安
令事務求便民推銓曹主政釐宿弊疏壅

滯仕路一清直隸分關壬午戊子兩試僉稱得人後請假歸居鄉謙和鄉人表之曰淳厚之門

陳明經

字春麓綏陽人康熙丙午舉人性至孝居繼母喪哀毀骨立人品端方不事干謁吳

遂逼仕逃入深山抗節不出賊平授陝西咸寧令有惠政以註誤解任士民遮道詣督撫請留後陞

山東東昌府通判著績河工卒於官

文學

貴陽府

漢

應世叔

祥柯人以經術辟司隸校尉

明

陳

銑

前衛千戶儀度修整博覽文翰多積奇書以自娛尤好吟咏有醉鄉詩集

劉汝楫

字濟川貴陽人嘉靖戊午舉人歷官長史長於文學所至山川皆有紀述子元清元

澣

登賢書曾孫在銓康熙庚戌進士

宋

炫

字廷采宣慰昂子嘉靖初人以詩名著有桂軒拙藁

周文化

字元叔貴陽人幼穎敏工古文詞嘉靖甲子舉人授樂城縣令鄧川守有治行以不

見知於世作蜉蝣公子問答宦遊所至輒有吟咏歸里後盡步唐人五七言律韻彙為四卷又著鄧

賸稿紫亭雜稿

謝三秀

字君采貴陽人天才卓越博覽羣書早有令譽為諸生時巡撫郭子章副使韓光曙

皆深器之晚以明經起家三任教職已迺棄去為萬里遊歷覽山川與東南大家建詞壇旗鼓有正始遺音天末才子之目著雪鴻堂諸集行於世

楊文驄

字龍友貴陽人萬歷戊午舉人崇禎時為兵部郎博學能詩文尤精於書畫雖片楮

寸幅人爭寶之著有山水移等集舊刻崇禎八大家詩文驄其一也

邱禾實

新添人萬歷戊戌進士官翰林院編修才高學博著有經筵進講循陔園等集行於

世二子懋懋懋素皆登鄉薦

傅宗祥

開州歲貢官興隆衛教授陞四川梓潼令博通天文地理陰陽數學尤精易理

國朝

潘

馴

字士雅貴陽人性端平仁恕孝友過人多學能文弱冠即以迴文詩三十首擅名吳

下崇禎己卯舉鄉試為主司陳際泰所賞識曰國家欲以策論收賢才此其首選也馴以母老不仕

國初始補蒙自縣今在任潔已愛民日與諸生講學論文考績以廉能薦會因上逆李世藩之叛遂誅誤歸壬子修通志自萬厯丁酉以後六十年事實悉出胸臆無絲毫舛謬具博聞強識如此卒年七十有三子德微登己酉賢書生平所著有瘦竹亭出岫草行於世

周起渭

字漁陂貴陽人康熙丁卯解元登甲戌進士選庶常歷官詹事府詹事敦孝友工詩

文士林
重之

簡應時

開州人幼嗜學工文與同里盧學新盧應龍盧應鳳盧應奎盧國賢王之林同以制

舉業知名於時吳逆叛迫脅應試皆棄諸生服逃匿不出及吳逆平始出就試黔人稱為開州七賢

安順府

明

汪大有

晉定人正德丙子舉人知金華縣居官廉慎以疾歸纂修衛志著有宋元品藻陶陶

亭

張繼宗

安莊人由明經任教職倡正學嚴課程歸家教訓子弟成就甚多

平越府

明

楊

遵

所至人成化已丑進士官至參議政事文章所至推重一時知名士爭師事之宦成歸

里杜門著述終其身

樊師孔

平越府人萬歷戊午舉人官至山西參政有勳亂才譽聲甚隆拂衣歸以詩文自娛

著有聽命堂好還紀畧今況等集

劉

璿

平越指揮好學工詩文所著有竹亭退隱等集

奚榮先

平越府人官學正品行端方博學好古撰郡志二十卷後之作者多採擇焉

都勻府

明

周

網清平人能文章工吟咏自
號南坡學者稱南坡先生

國朝

劉

蛟都勻府人康熙壬辰進士官翰林檢討為
人重厚居家孝友德行文章為一郎儒林

推首

鎮遠府

明

何一中

施秉人號少崔萬厯時歲貢厯任宣豐祿
川二縣多惠政文思敏捷與蕭時芳齊名

所著有少崔
山人集行世

宋騰熊施秉人崇禎己卯舉人博學多聞長於詩賦令寧海半載辭歸以詩文自娛任安全

孫應舉皆
有詩名

思南府

明

李廷謙安化人萬歷乙酉舉人初授真定縣教諭遼國子監助教日進諸生講論皆服其淹

雅

王蕃郡人嗜書尚義安貧守正自號一畝道人工篆隸善寫梅為詩清逸老而益工當時

名流咸與交遊
著有一瓢齋集

石阡府

明

唐必聰

石阡人成化丙午舉人任南寧令歸以經學聞導士類文學品行見重一時

思州府

明

胡士芳

郡人字瑤草號眉雪拔貢幼有夙慧比長學問談博多讀異書識奇字時有書廚之

目具詩文造詣高遠使事輿辭自成一家言

國朝

許之獬

玉屏人拔貢學問淵博工詩古文敦行誼厲名節歷任鎮遠教授不責脩脯實心訓

士所著有太
樸園詩文集

袁良佐

玉屏人康熙戊午舉人品行端方學問醇粹教授生徒先器識而後文藝邑中經明

行修之士多出其
門官大定州學正

黎平府

明

張應奇

天柱人諸生博聞廣記持身謹厚口不言過郎有言及者輒止之年八十餘猶日

與同學講論
經史不輟

何東鳳
黎平人以明經授新
興學正纂地輿志

大定府

明

吳濟
赤水人素樂隱居學行為一時推重正統
間衛學缺官御史徵之以布衣署學事凡

五年克盡厥
職士類悅服

南籠府

明

史銓

晉安州人任教授苦志篤學老而不倦

蔣杰

字美若晉安州人萬厯己丑進士以北部郎出守南雄風流文雅譽重當時後罷歸

流寓荊州放情山水娛志琴書雖屢空晏如也詩文清麗書法效顏真卿體與黃董米稱四大家

遵義府

明

曾宗孔

遵義人年十二為諸生讀論語至古之學者為己豁然曰格致誠正已事也修齊治

平因之人只為耳目口鼻四肢自利自私耳若以此任之造化而我獨主一誠以立於天地間宜不快哉工夫以致良知為主經史性理百家諸書靡不探索精研性純孝每父母忌辰必素服危

生揮淚終日自喪親
後卽不復赴科舉

隱逸

貴陽府

明

王璘

號然隱郡人性耿介取與不苟博通經史
長於詩詞隱居教授一時俊彥多出其門

著有然
隱雜稿

朱憲

郡人正統間舉賢良不就蜀獻王
間其賢以禮幣羅致未幾辭歸

汪成

郡人工詩文韜光弗耀為鄉
里所重著有納庵詩五卷

顧璇字良玉郡人性明敏工詩文凡醫卜諸書以及繪事靡不精究班衣娛親不求聞達

晚年尤好黃老構來仙樓以居巡撫孔鏞嘗造其家為作東樓記

王佐郡人工詩不樂仕進與郡人士結社唱酬纂修貴州志有詩文行於世

越梁郡人少遊庠隨棄去隱於槐亭有鹿門風人稱為槐亭先生年八十卒

俞舉龍里縣人篤行博學年八十屢舉鄉飲不赴鄉評重之

黃鳳新添人為諸生高等將貢以母老辭隱居養母精醫卜見重當道然未嘗輕於干謁

安順府

明

朱相

鎮寧州人性耿介有清節應貢不仕屢舉大賓

陳嘉瑞

安莊人淳樸孝友吟咏林泉不求仕進鄉里重之

平越府

明

盛仲芳

郡人隱深山鉅戶讀書足跡不至城市德行詩文一時稱重著有獨齋等集

張茂英

郡人隱居城西不與戶外事博學能文與盛仲芳金聲齊名號黎莪三隱

王譏

郡人幼讀書恥為章句學高尚不仕歲荒歉盡出所積粟以賑全活甚衆三舉鄉飲

年百歲詔建坊表之逾年乃卒

陳應熙

黃平人初為庠生旋棄去講學著書從遊者二百餘人尤精史學人有勸之仕者輒

掩耳不願聞有司
寧禮之以壽終

趙

培

郡人才高識朗不
求仕進有今名

楊光夔

字虞卿明末舉孝廉不仕博學
好古從遊者衆著有侍證錄

國朝

鄒大賢

餘慶縣貢生隱逸不仕年
登大耋孫以悖登賢書

都勻府

明

潘子安

郡人性聰敏詩文清麗常遊滇蜀多所題咏累薦不就著有清嘯集

吳

頌

郡人與弟預俱博學能文隱居不仕教授子弟多以文學顯

陳

楷

清平人博學隱居不仕開塾授徒多所造就

王

銓

清平人篤學勵行屏居養母以孝聞

鎮遠府

明

周鳳毛

郡人字羽瑞事母以孝崇禎壬午舉於鄉為辰溪尹以德化民有懷金獻之者怒曰

若欲污我耶責遣之既而挂冠歸甫年三十餘卜築深山中絕足城市守令欲識其面不可得家故

饒田產盡為豪占踞人或憐之公曰何為以田土
故而拂鄉里心置弗問郡以鄉飲大賓請堅辭不
赴年八十餘日攜子姓論文
課僮藝圃外人罕識其面

思南府

明

尚安政

郡人性純樸耕耨為業不
樂仕進壽一百二十二歲

李明榮

郡人性質朴好讀書隱東溪年九十八未
嘗一至城市尤敦友愛四世不分居流賊

之亂村落俱被害
獨其家以尚義免

田惟安

郡庠生性純孝有識見應襲世官不就篤
志好學遊郡人李渭之門後卒渭哭之以文

黃

文

婺川人少穎敏治舉子業應弘治初年貢不就銓除歸隱於鄉步趨言動皆有尺度

足跡未嘗入公門

唐楚善

婺川人耕讀勤儉不樂仕進好賑施家族不能嫁娶喪葬者皆賴其助年七十始生

一子且見二孫人以爲陰德所致壽百十有七

胡學禮

婺川人廩生素精節克夫數學志向清潔淡泊自如不求仕進有古隱士風

銅仁府

明

李

標

郡人性耿介子身居寺觀中日彈琴自娛能詩尤工古名家山水

南籠府

明

朱

繪

字素之普安人成化丙午鄉舉不仕隱居養親訓誨鄉人士多及門者當道旌其門

曰表正

鄉閭

婁

廣

普安人宋叅知政事璣五代孫雅素好德耽嗜經史尤長春秋善於訓詁當貢推讓

者三隱大林山輯景泰以下志稿

楊念祖

普安人萬厯丙子舉人淵懿博雅恬退不仕日彈琴賦詩自娛與兄承祖友愛俱以

壽終

孫守仁

普安人恬靜守正不妄交接年九十餘人稱無違先生

遵義府

明

何敏樹

郡人放浪山水寄情詩歌飄然有出世之致著滄浪孺子集

傅爾訥

桐梓人崇禎時歲貢時遵義隸四川任貴州鎮遠令尋歸里隱居不仕教授生徒著

有春秋講義行世

國朝

楊應麟


字吉庵先世麻城籍卜居正安州天性仁厚嘗從亂軍中救擄掠者二十餘人拾遺

於道訪而還之晚年屏跡林泉究
心易理著有易經辨義三十五卷

劉之文

江陽籍因避亂來遵精研周易太極諸書
工書法隱居東里課農桑量晴雨樂善好

施租負有不能償者
輒焚其券鄉人德之



貴州通志卷三十